

«ԴՈՐՈՇՆԻԿ Ա» ՍՊԸ

Ֆինանսական հաշվետվություններ

*2024թ. դեկտեմբերի 31-ին ավարտված տարվա համար
Անկախ աուդիտորական եզրակացության հետ միասին*

Բովանդակություն

Անկախ աուդիտորական եզրակացություն

Ֆինանսական վիճակի մասին հաշվետվություն	1
Համապարփակ ֆինանսական արդյունքների մասին հաշվետվություն	2
Սեփական կապիտալում փոփոխությունների մասին հաշվետվություն	3
Դրամական միջոցների հոսքերի մասին հաշվետվություն	4

Ֆինանսական հաշվետվություններին կից ծանոթագրություններ

1. Գործունեության նկարագրություն	5
2. Հաշվետվությունների պատրաստման հիմունքները	5
3. Հաշվապահական հաշվառման նշանակալի քաղաքականությունների ամփոփ նկարագիրը ..	6
4. Նոր և փոփոխված ստանդարտներ և մեկնաբանություններ	12
5. Թողարկված, բայց դեռ ուժի մեջ չմտած ստանդարտներ	13
6. Նշանակալի հաշվապահական դատողություններ, գնահատումներ և ենթադրություններ...	15
7. Հիմնական միջոցներ	16
8. Պաշարներ	17
9. Առևտրային և այլ դեբիտորական պարտքեր	17
10. Դրամական միջոցներ և դրանց համարժեքներ	17
11. Վարկեր և փոխառություններ	17
12. Առևտրային և այլ կրեդիտորական պարտքեր	18
13. Հասույթ	18
14. Վաճառքի ինքնարժեք	18
15. Վարչական ծախսեր	19
16. Այլ գործառնական ծախսեր	19
17. Շահութահարկ	19
18. Պարտավորվածություններ, պայմանական պարտավորություններ	20
19. Գործարքներ կապակցված կողմերի հետ	180
20. Իրական արժեք և ռիսկերի կառավարում	21
21. Հաշվետու ժամանակաշրջանից հետո տեղի ունեցող դեպքեր	26

ՖԻՆԱ ԱՌԴԴԻՏ ՓԲԸ

Հասցե՝ Երևան, Պարոնյան 9 բն. 12

Էլ. հասցե՝ info@fins.am

Հեռ.՝ +374 60 525 025



FINS AUDIT CJSC

Address: Yerevan, Paronyan str. 9 h. 12

Email: info@fins.am

Phone: +374 60 525 025

Անկախ աուդիտորական եզրակացություն

«ԴՈՐՈՇՆԻԿ Ա» Սահմանափակ պատասխանատվությամբ ընկերության մասնակցին

Կարծիք

Մենք աուդիտի ենք ենթարկել «ԴՈՐՈՇՆԻԿ Ա» Սահմանափակ պատասխանատվությամբ ընկերության (այսուհետ՝ Ընկերություն) ֆինանսական հաշվետվությունները, որոնք ներառում են 2024թ. դեկտեմբերի 31-ի դրությամբ ֆինանսական վիճակի մասին հաշվետվությունը, 2024թ. դեկտեմբերի 31-ին ավարտված տարվա համար համապարփակ ֆինանսական արդյունքների, դրամական միջոցների հոսքերի և սեփական կապիտալում փոփոխությունների մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման քաղաքականության ամփոփ նկարագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Ընկերության ֆինանսական վիճակը 2024թ. դեկտեմբերի 31-ի դրությամբ, 2024թ. դեկտեմբերի 31-ին ավարտված տարվա համար համապարփակ ֆինանսական արդյունքները և դրամական միջոցների հոսքերը՝ համաձայն ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմքեր

Մենք աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ համաձայն Հաշվապահների Էթիկայի Միջազգային Ստանդարտների Խորհրդի կողմից հրապարակված Պրոֆեսիոնալ հաշվապահի Էթիկայի միջազգային կանոնագրի (ներառյալ՝ Անկախության միջազգային ստանդարտները) (ՀԵՄՍԽ կանոնագիրը), և պահպանել ենք Էթիկայի այլ պահանջները՝ համաձայն ՀԵՄՍԽ կանոնների:

Մենք համոզված ենք, որ մեր կողմից ձեռք բերված աուդիտորական ապացույցները բավարար և համապատասխան հիմք են հանդիսանում մեր կարծիքն արտահայտելու համար:

Այլ հանգամանքներ

«ԴՈՐՈՇՆԻԿ Ա» Սահմանափակ պատասխանատվությամբ ընկերության ֆինանսական հաշվետվությունները 2023 թվականի դեկտեմբերի 31-ին ավարտված տարվա համար աուդիտի չեն ենթարկվել, և մենք կարծիք չենք արտահայտում այդ ֆինանսական հաշվետվություններից քաղված համեմատական տեղեկատվության վերաբերյալ:

Ղեկավարության և Բաժնետերերի ընդհանուր ժողովի պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որը, ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվություններ պատրաստելիս ղեկավարությունը պատասխանատու է Ընկերության անընդհատ գործելու կարողությունը գնահատելու համար, համապատասխան ռեպբերում անընդհատության հետ կապված հարցերը բացահայտելու և կազմակերպության գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Ընկերությունը, ընդհատել դրա գործունեությունը, կամ երբ չունի այդպես չվարվելու որևէ իրատեսական այլընտրանք:

Բաժնետերերի ընդհանուր ժողովը պատասխանատու է Ընկերության ֆինանսական հաշվետվությունների պատրաստման գործընթացի նկատմամբ վերահսկողության համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները, ամբողջությամբ վերցրած, զերծ են էական խեղաթյուրումներից՝ անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ Աուդիտի միջազգային ստանդարտներին

ՖԻՆԱ ԱՈՒԴԻՏ ՓԲԸ

Հասցե՝ Երևան, Պարոնյան 9 բն. 12

Էլ. հասցե՝ info@fins.am

Հեռ.՝ +374 60 525 025



FINS AUDIT CJSC

Address: Yerevan, Paronyan str. 9 h. 12

Email: info@fins.am

Phone: +374 60 525 025

համաձայն իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՍ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

► հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չբացահայտման ռիսկն ավելի բարձր է, քան սխալի հետևանքով էական խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:

► ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե ԸՆԿերության ներքին հսկողության արդյունավետության վերաբերյալ կարծիք արտահայտելու համար:

► գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:

► եզրահանգում ենք ղեկավարության կողմից հաշվապահական հաշվառման անընդհատության սկզբունքի կիրառման տեղին լինելու վերաբերյալ և հիմնվելով ձեռք բերված աուդիտորական ապացույցների վրա՝ գնահատում ենք, թե արդյոք առկա է ղեկավարի կամ հանգամանքների հետ կապված էական անորոշություն, որը կարող է էական կասկած հարուցել ԸՆԿերության անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, երբ այդ բացահայտումները համապատասխան չեն, ձևափոխել մեր կարծիքը: Մեր եզրահանգումները հիմնված են միևնույն մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Սակայն, ապագա իրադարձություններն ու հանգամանքները կարող են հանգեցնել ԸՆԿերության գործունեության անընդհատության դադարեցմանը:

► գնահատում ենք ֆինանսական հաշվետվությունների ընդհանուր ներկայացումը, կառուցվածքն ու բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Բաժնետերերի ընդհանուր ժողովին, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

«ՖԻՆԱ ԱՈՒԴԻՏ» ՓԲԸ

20 Օգոստոսի, 2025թ.

ՀՀ, ք. Երևան

Տնօրեն



Արմինե Ավագյան

Ֆինանսական վիճակի մասին հաշվետվություն

2024թ. դեկտեմբերի 31-ի դրությամբ

(հազար ՀՀ դրամ)

	Ծան.	2024թ.	2023թ.
Ակտիվներ			
Ոչ ընթացիկ ակտիվներ			
Հիմնական միջոցներ	7	2,445,474	2,684,896
		2,445,474	2,684,896
Ընթացիկ ակտիվներ			
Պաշարներ	8	455,363	584,561
Առևտրային և այլ դեբիտորական պարտքեր	9	295,502	520,572
Տրամադրված փոխառություններ		-	59,227
Դրամական միջոցներ և դրանց համարժեքներ	10	186,317	39,000
		937,182	1,203,360
Ընդամենը ակտիվներ		3,382,656	3,888,256
Սեփական կապիտալ և պարտավորություններ			
Կանոնադրական կապիտալ	1.2	405,133	405,133
Չբաշխված շահույթ	1.2	1,966,635	2,067,183
		2,371,768	2,472,316
Պարտավորություններ			
Ոչ ընթացիկ պարտավորություններ			
Վարկեր և փոխառություններ	11	101,083	-
Երկարաժամկետ առևտրային և այլ կրեդիտորական պարտքեր		46,410	-
Հետաձգված հարկային պարտավորություններ	17	19,615	25,401
		167,108	25,401
Ընթացիկ պարտավորություններ			
Վարկեր և փոխառություններ	11	228,225	-
Առևտրային և այլ կրեդիտորական պարտքեր	12	615,555	1,390,539
		843,780	1,390,539
Ընդամենը սեփական կապիտալ և պարտավորություններ		3,382,656	3,888,256

Սույն ֆինանսական հաշվետվությունները հաստատվել և ստորագրվել են ընկերության ղեկավարության կողմից՝

Գլխավոր տնօրեն՝

Գլխավոր հաշվապահ՝

20 օգոստոս, 2024



Արարատ Հովհաննիսյան

Արթուր Մարտիրոսյան

Համապարփակ ֆինանսական արդյունքների մասին հաշվետվություն**2024թ. դեկտեմբերի 31-ին ավարտված տարվա համար***(հազար ՀՀ դրամ)*

	Ծան.	2024թ.	2023թ.
Հասույթ	13	3,460,125	2,711,845
Վաճառքի ինքնարժեք	14	(2,472,391)	(2,342,338)
Համախառն շահույթ		987,734	369,507
Վարչական ծախսեր	15	(237,570)	(147,560)
Այլ գործառնական ծախսեր	16	(147,953)	(96,787)
Այլ եկամուտ		12,409	85,176
Գործառնական գործունեությունից շահույթ		614,620	210,336
Ֆինանսական եկամուտ		27,128	-
Չուտ եկամուտ փոխարժեքային տարբերություններից		(27,534)	(74,008)
Շահույթ նախքան շահութահարկով հարկումը		614,214	136,328
Շահութահարկի գծով ծախս	17	(99,762)	(44,564)
Հաշվետու տարվա շահույթ		514,452	91,764
Հաշվետու ժամանակաշրջանի ընդամենը համապարփակ եկամուտ		514,452	91,764

Սեփական կապիտալում փոփոխությունների մասին հաշվետվություն**2024թ. դեկտեմբերի 31-ին ավարտված տարվա համար***(հազար ՀՀ դրամ)*

	Կանոնադրական կապիտալ	Զբաղիված շահույթ	Ընդամենը
2023թ. հունվարի 1-ի դրությամբ	405,133	1,975,419	2,380,552
Ընդամենը հաշվետու ժամանակաշրջանի համապարփակ եկամուտ	-	91,764	91,764
2023թ. դեկտեմբերի 31-ի դրությամբ	405,133	2,067,183	2,472,316
Ընդամենը հաշվետու ժամանակաշրջանի համապարփակ եկամուտ	-	514,452	514,452
Շահաբաժիններ		(615,000)	(615,000)
2024թ. դեկտեմբերի 31-ի դրությամբ	405,133	1,966,635	2,371,768

Դրամական միջոցների հոսքերի մասին հաշվետվություն**2024թ. դեկտեմբերի 31-ին ավարտված տարվա համար**

(հազար ՀՀ դրամ)

	Ծան.	2024թ.	2023թ.
Դրամական միջոցների հոսքեր գործառնական գործունեությունից			
Իրացումից մուտքեր		3,493,525	2,845,564
Մատակարարներին վճարումներ		(1,572,875)	(1,844,378)
Աշխատակիցներին վճարումներ		(517,221)	(496,798)
Հարկերի վճարում բացառությամբ շահութահարկի		(797,550)	(186,588)
Վճարված շահութահարկ		(73,075)	-
Այլ մուտքեր/(վճարումներ)		(49)	38
Չուտ դրամական միջոցների հոսքեր՝ գործառնական գործունեությունից		532,755	317,838
 Դրամական միջոցների հոսքեր ներդրումային գործունեությունից			
Հիմնական միջոցների ձեռքբերումներ		(18,259)	(27,483)
Տրված փոխառությունների մարում		59,227	-
Փոխառության տրամադրում			(59,227)
Չուտ դրամական միջոցների հոսքեր՝ ներդրումային գործունեությունից		40,968	(86,710)
 Դրամական միջոցների հոսքեր ֆինանսավորման գործունեությունից			
Վարկերից և փոխառություններից մուտքեր		172,839	197,699
Վարկերի և փոխառությունների մարում		(48,638)	(515,535)
Վճարված շահաբաժիններ		(550,500)	
Չուտ դրամական միջոցների հոսքեր՝ ֆինանսավորման գործունեությունից		(426,299)	(317,836)
Դրամական միջոցների և դրանց համարժեքներ զուտ աճ/(նվազում)		147,424	(86,708)
 Արտարժույթի փոխարժեքի փոփոխությունների զուտ տարբերություններ		(107)	(222)
Դրամական միջոցներ և դրանց համարժեքները հաշվետու տարվա սկզբում	10	39,000	125,930
Դրամական միջոցներ և դրանց համարժեքներ հաշվետու տարվա վերջում	10	186,317	39,000

Դրամական միջոցների հոսքերի մասին հաշվետվություն**2024թ. դեկտեմբերի 31-ին ավարտված տարվա համար***(հազար ՀՀ դրամ)*

	Ծան.	2024թ.	2023թ.
Դրամական միջոցների հոսքեր գործառնական գործունեությունից			
Իրացումից մուտքեր		3,493,525	2,845,564
Մատակարարներին վճարումներ		(1,572,875)	(1,844,378)
Աշխատակիցներին վճարումներ		(517,221)	(499,445)
Հարկերի վճարում բացառությամբ շահութահարկի		(797,550)	(190,398)
Վճարված շահութահարկ		(73,075)	-
Այլ մուտքեր/(վճարումներ)		(49)	38
Չուտ դրամական միջոցների հոսքեր՝ գործառնական գործունեությունից		532,755	317,838
Դրամական միջոցների հոսքեր ներդրումային գործունեությունից			
Հիմնական միջոցների ձեռքբերումներ		(18,259)	(27,483)
Տրված փոխառությունների մարում		59,227	-
Փոխառության տրամադրում			(59,227)
Չուտ դրամական միջոցների հոսքեր՝ ներդրումային գործունեությունից		40,968	(86,710)
Դրամական միջոցների հոսքեր ֆինանսավորման գործունեությունից			
Վարկերից և փոխառություններից մուտքեր		172,839	197,699
Վարկերի և փոխառությունների մարում		(48,638)	(515,535)
Վճարված շահաբաժիններ		(550,500)	
Չուտ դրամական միջոցների հոսքեր՝ ֆինանսավորման գործունեությունից		(426,299)	(317,836)
Դրամական միջոցների և դրանց համարժեքներ զուտ աճ/(նվազում)		147,424	(86,708)
Արտարժույթի փոխարժեքի փոփոխությունների զուտ տարբերություններ			
		(107)	(222)
Դրամական միջոցներ և դրանց համարժեքները հաշվետու տարվա սկզբում	10	39,000	125,930
Դրամական միջոցներ և դրանց համարժեքներ հաշվետու տարվա վերջում	10	186,317	39,000

1. Գործունեության նկարագրություն

«Դորոժնիկ Ա» Սահմանափակ պատասխանատվությամբ ընկերությունը (այսուհետ՝ Ընկերություն) հիմնադրվել է 2002թ. հունիսի 14-ին՝ որպես շահույթ ստանալու նպատակ հետապնդող առևտրային կազմակերպություն և գործում է Հայաստանի Հանրապետության օրենսդրության համաձայն, որը վերագրանցվել է 2024թ. փետրվարի 2-ին և հանդիսանում է «Դորոժնիկ» Սահմանափակ պատասխանատվությամբ ընկերության իրավահաջորդ:

Ընկերության 100% սեփականատերը առ 31 դեկտեմբերի 2024թ. և 2023թ. հադիսանում է Հովհաննիսյան Սարգիսի Արարատը:

Ընկերության գտնվելու վայրն է՝ ՀՀ, ք. Երևան, Հաղթանակի Խճուղի 7:

Ընկերության գործունեության ոլորտներ են՝

- Մայր ջրատարների և ներքին ցանցերի կառուցում,
- Ջրատնտեսական կառուցվածքների շինարարություն,
- Հիդրոտեխնիկական կառույցների շինարարություն,
- Կոյուղու համակարգերի կառուցում,
- Շենքերի և շինությունների կառուցում,
- Ճանապարհների և կամուրջների կառուցում,
- Բարձր, միջին և ցածր ճնշման գազատարների մայր խողովակների և ներքին ցանցերի հավաքակցում,
- Ջերմային ցանցերի և կառուցվածքների շինարարություն,
- Արտաքին լուսավորություն,
- Շինարարական նյութերի և ապրանքների արտադրություն:

2024թ. դեկտեմբերի 31-ի դրությամբ Ընկերությունը ունեցել է 154 աշխատող (2023թ.դեկտեմբերի 31-ի դրությամբ՝ 202 աշխատող):

1.2 Կանոնադրական կապիտալ

Ընկերության կանոնադրական կապիտալը 2024թ. դեկտեմբերի 31-ի դրությամբ կազմել է 405,132 հազար ՀՀ դրամ (2023թ.դեկտեմբերի 31-ի դրությամբ՝ 405,132 հազար ՀՀ դրամ): Այն բաղկացած է մեկ բաժնեմասից, որի անվանական արժեքը՝ 405,132 հազար ՀՀ դրամ է (2023թ.դեկտեմբերի 31-ի դրությամբ՝ մեկ բաժնեմասից, որի անվանական արժեքը 405,132 հազար ՀՀ դրամ):

2024թ. դեկտեմբերի 31-ի դրությամբ բոլոր բաժնետոմսերը տեղաբաշխված են բաժնետերերի միջև և ամբողջությամբ վճարված (2023թ. դեկտեմբերի 31-ի դրությամբ՝ բոլոր բաժնեմասերը տեղաբաշխված և ամբողջությամբ վճարված):

2024թ. ընթացքում Ընկերությունը՝ հիմնվելով 2022թ. և 2023թ. տարեկան արդյունքների հիման վրա Ընկերության միակ բաժնետիրոջը հայտարարագրել է շահաբաժին 615,000 հազար ՀՀ դրամ: Հայտարարված շահաբաժիններից վճարվել է 550,500 հազար ՀՀ դրամ:

2. Հաշվետվությունների պատրաստման հիմունքները

Ընդհանուր

Սույն ֆինանսական հաշվետվությունները պատրաստվել են ֆինանսական հաշվետվությունների միջազգային ստանդարտների համաձայն (ՀՀՄՍ):

Ընկերությունը պարտավորված է իրականացնել հաշվապահական հաշվառումը և պատրաստել ֆինանսական հաշվետվությունները ՀՀ դրամով՝ հաշվապահական հաշվառման ՀՀ օրենսդրությանը և դրանից բխող ցուցումներին համապատասխան:

Ֆինանսական հաշվետվությունները պատրաստվել են պատմական արժեքի սկզբունքի հիման վրա, ինչպես բացահայտված է ստորև բերված հաշվապահական հաշվառման քաղաքականության մեջ:

Ֆինանսական հաշվետվությունները ներկայացված են հայկական դրամով (ՀՀ դրամ), և բոլոր արժեքները կլորացված են մինչև հազար ՀՀ դրամ, եթե այլ բան նշված չէ:

Դրամական միջոցներ և դրանց համարժեքներ

Դրամական միջոցներն ու դրանց համարժեքները ներառում են կանխիկ միջոցները և բանկային հաշիվների մնացորդները:

Ավանդադրված միջոցները դասակարգվում են որպես կարճաժամկետ, եթե նրանց մարման ժամկետը հաշվետու ժամանակաշրջանից հետո մինչև 90 օր է:

3. Հաշվապահական հաշվառման նշանակալի քաղաքականությունների ամփոփ նկարագիրը

Կանխավճարներ

Կանխավճարները հաշվառվում են սկզբնական արժեքով՝ հանած արժեզրկման կորստի գծով պահուստը:

Կանխավճարը դասակարգվում է որպես ոչ ընթացիկ, երբ դրա հետ կապված ապրանքներն ու ծառայությունները ակնկալվում են ձեռք բերվել մեկ տարուց հետո, կամ երբ այն վերաբերում է այնպիսի ակտիվի, որը սկզբնական ճանաչման պահին կդասակարգվեր որպես ոչ ընթացիկ: Ակտիվների ձեռքբերման համար տրված կանխավճարները տեղափոխվում են ակտիվի հաշվեկշռային արժեք, երբ ԸՆկերությունը ակտիվի նկատմամբ ձեռք է բերում վերահսկողություն, և հավանական է, որ ակտիվի հետ կապված ապագա տնտեսական օգուտները կհոսեն դեպի ԸՆկերություն: Այլ կանխավճարները ծախսագրվում են ֆինանսական արդյունքներում, երբ ստացվում են դրանց հետ կապված ապրանքներն ու ծառայությունները: Եթե առկա է որևէ հայտանիշ, որ կանխավճարի հետ կապված ակտիվները, ապրանքներն ու ծառայությունները չեն ստացվելու, ապա կանխավճարի հաշվեկշռային արժեքը համարժեք կերպով նվազեցվում է, և համապատասխան արժեզրկումից կորուստը ճանաչվում է տվյալ տարվա ֆինանսական արդյունքներում:

Հիմնական միջոցներ

(i) Ծանաչում և չափում

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կուտակված կորուստները:

Սկզբնական արժեքը ներառում է ակտիվի ձեռքբերմանն ուղղակի վերագրելի ծախսումները: Սեփական ուժերով կառուցված ակտիվների սկզբնական արժեքը ներառում է նյութերի արժեքը և ուղղակի աշխատուժի գծով ծախսերը, ակտիվն իր նպատակային օգտագործման համար աշխատանքային վիճակի բերելու հետ անմիջականորեն կապված ցանկացած այլ ծախսերը, ակտիվի ապատեղակայման և քանդման ծախսերը, գտնվելու տեղանքի վերականգնման ծախսերը և կապիտալացված փոխառության ծախսերը: Ձեռքբերված համակարգչային ծրագիրը, որը հանդիսանում է համապատասխան սարքավորման ֆունկցիոնալության անբաժանելի մասը, կապիտալացվում է որպես սարքավորման մաս:

Երբ հիմնական միջոցի միավորը բաղկացած է օգտակար ծառայության տարբեր ժամկետ ունեցող խոշոր բաղկացուցիչներից, ապա այդ բաղկացուցիչները հաշվառվում են որպես հիմնական միջոցների առանձին միավորներ (հիմնական բաղկացուցիչներ):

Հիմնական միջոցի միավորի օտարումից ստացված շահույթը կամ վնասը որոշվում է՝ համեմատելով օտարումից ստացված մուտքերը հիմնական միջոցի հաշվեկշռային արժեքի հետ, և ճանաչվում է զուտ հիմունքով այլ եկամուտ/այլ ծախս հոդվածում շահույթ/վնաս կամ վնասում:

(ii) Հետագա ծախսումներ

Հիմնական միջոցների բաղկացուցիչ փոխարինման ծախսերը ճանաչվում են միավորի հաշվեկշռային արժեքում, երբ հավանական է, որ ԸՆկերությունը կհոսեն այդ միավորի հետ կապված ապագա

տնտեսական օգուտները, և դրա արժեքը հնարավոր է արժանահավատորեն չափել: Փոխարինվող բաղկացուցիչի հաշվեկշռային արժեքն ապաճանաչվում է: Հիմնական միջոցների ամեօրյա սպասարկման ծախսումները ճանաչվում են շահույթ/վնաս կամ վնասում առաջանալուն պես:

(iii) Մաշվածություն

Հիմնական միջոցների միավորների մաշվածության հաշվարկը սկսվում է դրանց տեղադրման և շահագործմանը պատրաստ լինելու պահից, իսկ սեփական ուժերով կառուցված ակտիվների դեպքում՝ վերջիններիս կառուցումն ավարտելու և շահագործմանը պատրաստ լինելու պահից: Մաշվածությունը հաշվարկվում է ակտիվի սկզբնական արժեքի հիման վրա՝ հանած դրա մնացորդային արժեքը:

3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Հիմնական միջոցներ (շարունակություն)

Ստորև ներկայացված են նշանակալի հիմնական միջոցների օգտակար ծառայության գնահատված ժամկետները ընթացիկ և համադրելի ժամանակաշրջանների համար:

Շենքեր – 20-ից 60 տարի

Մեքենաներ և սարքավորումներ – 1-ից 15 տարի

Արտադրական գույք – 1-ից 10 տարի

Այլ հիմնական միջոցներ – 1-ից 10 տարի

Վարձակալվող գույքի բարելավումներ – Վարձակալության ժամկետի և ակտիվի օգտակար ծառայության ժամկետի նվազագույնը

Մաշվածության հաշվարկի մեթոդները, օգտակար ծառայության ժամկետները և մնացորդային արժեքները վերանայվում են յուրաքանչյուր հաշվետու ամսաթվի դրությամբ և անհրաժեշտության դեպքում՝ ճշգրտվում:

Ֆինանսական ակտիվներ

Սկզբնական ճանաչում և չափում

Սկզբնական ճանաչման ժամանակ ֆինանսական ակտիվները դասակարգվում և հետագայում չափվում են ամորտիզացված արժեքով, իրական արժեքով՝ այլ համապարփակ ֆինանսական արդյունքների միջոցով կամ իրական արժեքով՝ շահույթի կամ վնասի միջոցով: Սկզբնական ճանաչման ժամանակ պարտքային գործիքներ հանդիսացող ֆինանսական ակտիվների դասակարգումը կախված է վերջիններիս պայմանագրային դրամական հոսքերի բնույթից և դրանք կառավարելու Ընկերության բիզնես մոդելից: Բացառությամբ առևտրային դեբիտորական պարտքերի, որոնք չեն պարունակում էական ֆինանսավորման բաղադրիչ, կամ որոնց համար Ընկերությունն օգտագործել է կիրառելի նպատակահարմար մոտեցում, Ընկերությունը սկզբնապես ֆինանսական ակտիվը չափում է իր իրական արժեքով՝ գումարած գործարքի հետ կապված ծախսումները, այն դեպքում, երբ ֆինանսական ակտիվը չի չափվում իրական արժեքով՝ շահույթի կամ վնասի միջոցով: Այն առևտրային դեբիտորական պարտքերը, որոնք չեն պարունակում էական ֆինանսավորման բաղադրիչ, կամ որոնց համար Ընկերությունը օգտագործել է կիրառելի նպատակահարմար մոտեցում և որոնք ունեն 1 տարի և պակաս ժամկետայնություն, չափվում են ՖՀՄՍ 15-ով սահմանված գործարքի գնով:

Որպեսզի ֆինանսական ակտիվը դասակարգվի և չափվի ամորտիզացված արժեքով կամ իրական արժեքով՝ այլ համապարփակ ֆինանսական արդյունքների միջոցով, անհրաժեշտ է, որ վերջինս առաջացնի դրամական հոսքեր, որոնք «բացառապես մայր գումարի և չմարված մայր գումարի վրա հաշվարկված տոկոսների վճարումներն» են (SPPI): Այս գնահատումը կոչվում է SPPI թեստ և կատարվում է գործիքի մակարդակով: Ֆինանսական ակտիվները, որոնց դրամական հոսքերը «բացառապես մայր գումարի և չմարված մայր գումարի վրա հաշվարկված տոկոսների վճարումներն» չեն, դասակարգվում և չափվում են իրական արժեքով՝ շահույթի կամ վնասի միջոցով անկախ Ընկերության բիզնես մոդելից:

Ֆինանսական ակտիվների կառավարման Ընկերության բիզնես մոդելը ներկայացնում է, թե ինչպես է դրամական հոսքեր ձևավորելու նպատակով վերջինս կառավարում իր ֆինանսական ակտիվները: Բիզնես մոդելը սահմանում է, թե արդյոք դրամական հոսքերը ձևավորվում են պայմանագրային դրամական հոսքերի հավաքագրումից, ֆինանսական ակտիվների վաճառքից կամ երկուսից միաժամանակ:

Ֆինանսական ակտիվների ձեռքբերումները կամ վաճառքները, որոնք պահանջում են ակտիվների մատակարարում շուկայում գործող կարգավորման միջոցով կամ գործարար սովորույթով (սովորական գործարքներում) սահմանված ժամկետի ընթացքում, ճանաչվում են գործարքի ամսաթվին, այսինքն՝ այն ամսաթվին, երբ Ընկերությունը ձեռք է բերել կամ վաճառել ակտիվը:

3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Ֆինանսական ակտիվներ (շարունակություն)

Հետագա չափում

Հետագա չափման նպատակներով ֆինանսական ակտիվները դասակարգվում են չորս դասերից մեկում.

- Ամորտիզացված արժեքով հաշվառվող ֆինանսական ակտիվներ (պարտքային գործիքներ),
- Իրական արժեքով՝ այլ համապարփակ ֆինանսական արդյունքների միջոցով չափվող ֆինանսական ակտիվներ, որոնց կուտակված օգուտները և կորուստները ապաճանաչման ժամանակ վերադասակարգվում են (պարտքային գործիքներ),
- Իրական արժեքով՝ այլ համապարփակ ֆինանսական արդյունքների միջոցով չափվող ֆինանսական ակտիվներ, որոնց կուտակված օգուտները կամ կորուստները ապաճանաչման ժամանակ չեն վերադասակարգվում (կապիտալի գործիքներ),
- Իրական արժեքով՝ շահույթի կամ վնասի միջոցով չափվող ֆինանսական ակտիվներ:

Ընկերության առավել բնորոշ է ամորտիզացված արժեքով հաշվառվող ֆինանսական ակտիվների դասը: Ընկերությունը ֆինանսական ակտիվները չափում է ամորտիզացված արժեքով, եթե բավարարում են ստորև թվարկված երկու պայմանները.

- ▶ Ֆինանսական ակտիվը պահվում է բիզնես մոդելի շրջանակներում, որի նպատակն է ֆինանսական ակտիվները պահելը՝ պայմանագրային դրամական հոսքերը հավաքագրելու նպատակով, և
- ▶ Ֆինանսական ակտիվի պայմանագրային պայմանները որոշակի ամսաթվերին առաջացնում են դրամական միջոցների հոսքեր, որոնք միայն մայր գումարի և չմարված մայր գումարի վրա հաշվարկված տոկոսների վճարումներն են:

Ամորտիզացված արժեքով հաշվառվող ֆինանսական ակտիվների հետագա չափումներն իրականացվում են՝ կիրառելով արդյունավետ տոկոսադրույքի մեթոդը, և ենթակա են արժեզրկման գնահատման: Ստացված տոկոսները ճանաչվում են ֆինանսական եկամտի կազմում շահույթի կամ վնասի և այլ համապարփակ ֆինանսական արդյունքների մասին հաշվետվությունում: Օգուտներն ու կորուստները ճանաչվում են շահույթում կամ վնասում, եթե ակտիվը ապաճանաչվում է, ենթարկվում է փոփոխությունների կամ արժեզրկվում է:

Ընկերության ամորտիզացված արժեքով հաշվառվող ֆինանսական ակտիվներում ներառվում են առևտրային և այլ դեբիտորական պարտքերը, դրամական միջոցները և դրանց համարժեքները և տրամադրված փոխառությունները:

Ապաճանաչում

Ֆինանսական ակտիվը (կամ, որտեղ կիրառելի է, ֆինանսական ակտիվի մի մասը, կամ համանման ֆինանսական ակտիվների խմբի մի մասը) ապաճանաչվում է, երբ

- ▶ ակտիվից առաջացող դրամական միջոցների հոսքերի նկատմամբ պայմանագրային իրավունքները կորցրել են իրենց ուժը, կամ
- ▶ Ընկերությունը փոխանցել է ակտիվից դրամական միջոցների հոսքերի ստացման իրավունքները կամ, փոխանցման համաձայնագրի համաձայն, ստանձնել է ստացված դրամական միջոցների հոսքերը ամբողջությամբ երրորդ կողմին վճարելու պարտականություն առանց էական ուշացման, և ա) Ընկերությունը փոխանցել է, ըստ էության, ակտիվի բոլոր ռիսկերն ու հատույցները, կամ բ) Ընկերությունը չի փոխանցել կամ պահպանել, ըստ էության, ակտիվի բոլոր ռիսկերն ու հատույցները, բայց փոխանցել է ակտիվի հսկողությունը:

Երբ Ընկերությունը փոխանցել է ակտիվից դրամական միջոցների հոսքերի ստացման իրավունքները կամ ձեռք է բերել փոխանցման համաձայնագիր, վերջինս պետք է գնահատի, թե ինչ չափով է պահպանել ակտիվի սեփականության հետ կապված ռիսկերն ու հատույցները: Երբ Ընկերությունը ոչ փոխանցել է, ոչ պահպանել է ակտիվի, ըստ էության, բոլոր ռիսկերն ու հատույցները, ոչ էլ փոխանցել է ակտիվի հսկողությունը, ապա Ընկերությունը շարունակում է ճանաչել փոխանցված ակտիվը իր շարունակվող ներգրավվածության չափով: Այս դեպքում, Ընկերությունը նաև ճանաչում է դրա հետ կապված պարտավորությունը: Փոխանցված ակտիվը և դրա հետ կապված պարտավորությունը չափվում են այն հիմքով, որը արտացոլում է Ընկերության պահպանած իրավունքներն ու պարտականությունները:

3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Ֆինանսական ակտիվներ (շարունակություն)

Շարունակվող ներգրավվածությունը, որը ձեռք է բերում փոխանցված ակտիվի նկատմամբ երաշխիքի ձև, չափվում է ակտիվի սկզբնական հաշվեկշռայի արժեքի և այն առավելագույն արժեքից նվազագույնով, որը Ընկերությունից կարող է պահանջվել մարել:

Արժեզրկում

Ընկերությունը ճանաչում է ակնկալվող վարկային կորուստների պահուստ բոլոր այն պարտքային գործիքների համար, որոնք չեն հաշվառվում և չափվում իրական արժեքով՝ շահույթի կամ վնասի միջոցով: Ակնկալվող վարկային կորուստների պահուստը հիմնված է պայմանագրի համաձայն պայմանագրային դրամական միջոցների հոսքերի և Ընկերության կողմից ստացվելիք ակնկալվող դրամական հոսքերի տարբերության վրա՝ զեղչված մոտարկված սկզբնական արդյունավետ տոկոսադրույքով:

Ակնկալվող դրամական միջոցների հոսքերը ներառում են գրավադրված միջոցների վաճառքից ստացվող դրամական միջոցների հոսքերը կամ պայմանագրային պայմանների մաս կազմող պարտքային դիրքի այլ ամրացումները:

Ակնկալվող վարկային կորուստների պահուստները ճանաչվում են երկու փուլով: Պարտքային ռիսկերի ենթարկվածության բոլոր տեսակների համար, որոնց պարտքային ռիսկը սկզբնական ճանաչումից ի վեր Էականորեն չի ավելացել, ակնկալվող վարկային կորուստների պահուստները ձևավորվում են այն պարտքային կորուստների համար, որոնք առաջանում են հաջորդող 12 ամիսների ընթացքում դեֆոլտի հավանական դեպքերի արդյունքում (12-ամսյա ժամանակահատվածում ակնկալվող վարկային կորուստներ): Պարտքային ռիսկերի ենթարկվածության բոլոր տեսակների համար, որոնց պարտքային ռիսկը սկզբնական ճանաչումից ի վեր Էականորեն ավելացել է, ակնկալվող վարկային կորուստների պահուստը պետք է ձևավորել ակտիվի ողջ ժամկետայնության ընթացքում ակնկալվող պարտքային կորուստների համար՝ անկախ դեֆոլտի տեղի ունենալու ժամկետից (ակտիվի ողջ ժամկետայնության ընթացքում ակնկալվող վարկային կորուստներ):

Առևտրային դեբիտորական պարտքերի (պայմանական գնանշմանը ոչ ենթակա) և այլ դեբիտորական պարտքերի համար, որոնք ժամկետանց են 12 ամսից ավելի քիչ, Ընկերությունը կիրառում է ակնկալվող վարկային կորուստների հաշվարկման պարզեցված մոտեցումը, ինչպես թույլատրվում է ՖՀՄՍ 9-ով: Հետևաբար, Ընկերությունը հետևում է պարտքային ռիսկի փոփոխություններին և ակնկալվող վարկային կորուստները հաշվարկում է Մուդիգի կողմից հրապարակված սեկտորների դեֆոլտի հավանականության հիման վրա:

Ամորտիզացված արժեքով պահվող այլ ֆինանսական ակտիվների համար (որոնք ժամկետանց են 12 ամսից ավել), ակնկալվող վարկային կորուստները հիմնված են 12-ամսյա ժամանակահատվածում ակնկալվող վարկային կորուստների վրա: 12-ամսյա ժամանակահատվածում ակնկալվող վարկային կորուստները ակտիվի ողջ ժամկետայնության ընթացքում ակնկալվող վարկային կորուստների մի մասն են կազմում, որը առաջանում է ֆինանսական գործիքի դեֆոլտի դեպքում, որը հավանական է, որ տեղի կունենա հաշվետու ժամանակաշրջանից հետո 12 ամսվա ընթացքում: Սակայն, այն դեպքում, երբ ակտիվի սկզբնական ճանաչումից ի վեր առկա է պարտքային ռիսկի Էական ավելացում, պահուստը պետք է հիմնված լինի ակտիվի ողջ ժամկետայնության ընթացքում ակնկալվող վարկային կորուստների վրա:

Սահմանելու համար, թե արդյոք ֆինանսական ակտիվի պարտքային ռիսկը սկզբնական ճանաչումից ի վեր Էական ավելացել է, թե՛ ոչ, և ակնկալվող վարկային կորուստները գնահատելու համար Ընկերությունը հաշվի է առնում ողջամիտ և հուսալի տեղեկատվությունը, որը համապատասխանում է և հասանելի է առանց ավելորդ ծախսի և ջանքերի: Սա ներառում է ինչպես քանակական, այնպես էլ որակական տեղեկատվություն և վերլուծություն՝ հիմնված Ընկերության պատմական փորձի և պարտքերի գնահատման, ներառյալ՝ ապագային միտված տեղեկատվության վրա:

3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Ֆինանսական ակտիվներ (շարունակություն)

Ընկերությունը ֆինանսական ակտիվը համարում է դեֆոլտ եղած, եթե դրա գծով պայմանագրային վճարումները 90 օրից ավել ժամկետանց են: Այնուամենայնիվ, որոշակի դեպքերում, Ընկերությունը կարող է ֆինանսական ակտիվը համարել դեֆոլտ եղած, եթե ներքին կամ արտաքին տեղեկատվությունը ցույց է տալիս, որ հավանական չէ, որ Ընկերությունը մինչև Ընկերության կողմից պահվող որևէ պարտքային դիրքի ամրապնդումը հաշվի առնելը ամբողջությամբ կստանա պայմանագրային գումարը:

Ֆինանսական ակտիվը դուրս է գրվում, եթե առկա չէ պայմանագրային դրամական միջոցների հոսքերի վերականգնման ողջամիտ ակնկալիք, և սովորաբար տեղի է ունենում այն դեպքում, եթե 1 տարուց ավել ժամկետանց է և ենթակա չէ հարկադրված գործողության:

Յուրաքանչյուր հաշվետու ժամանակաշրջանում Ընկերությունը գնահատում է, թե արդյոք ամորտիզացված արժեքով պահվող ֆինանսական ակտիվները արժեզրկված են, թե՛ ոչ: Ֆինանսական ակտիվը արժեզրկված է, եթե տեղի են ունեցել մեկ կամ ավելի դեպքեր, որոնք ունեցել են բացասական ազդեցություն ֆինանսական ակտիվի գնահատված ապագա դրամական հոսքերի վրա:

Ֆինանսական պարտավորություններ

Սկզբնական ճանաչում և չափում

Ֆինանսական պարտավորությունները դասակարգվում են սկզբնական ճանաչման ժամանակ որպես իրական արժեքով հաշվառվող շահույթի կամ վնասի միջոցով չափվող ֆինանսական պարտավորություններ, վարկեր և փոխառություններ, կրեդիտորական պարտքեր, կամ անհրաժեշտության դեպքում ածանցյալ գործիքներ՝ նախատեսված որպես արդյունավետ հեջավորման գործիքներ: Բոլոր ֆինանսական պարտավորությունները սկզբնապես ճանաչվում են իրական արժեքով, իսկ վարկերի ու փոխառությունների և կրեդիտորական պարտքերի դեպքում՝ գործարքի հետ կապված ուղղակիորեն վերագրելի ծախսումները զուտացված:

Հետագա չափումը

Ֆինանսական պարտավորությունների չափումը կախված է դրանց դասակարգումից, ինչպես նկարագրված է ստորև.

Իրական արժեքով հաշվառվող շահույթի կամ վնասի միջոցով չափվող ֆինանսական պարտավորություններ

Իրական արժեքով հաշվառվող շահույթի կամ վնասի միջոցով չափվող ֆինանսական պարտավորությունները ներառում են վաճառքի համար պահվող ֆինանսական պարտավորությունները և սկզբնական ճանաչման ժամանակ որպես իրական արժեքով հաշվառվող շահույթի կամ վնասի միջոցով չափվող նախատեսված ֆինանսական պարտավորությունները:

Ֆինանսական պարտավորությունները դասակարգվում են որպես վաճառքի համար պահվող, եթե դրանք ձևավորվել են առաջիկայում հետգնման նպատակով: Այս դասը ներառում է նաև Ընկերության ածանցյալ ֆինանսական գործիքները, որոնք հեջավորման գործարքներում նախատեսված չեն որպես հեջավորման գործիքներ, ինչպես սահմանված է ՖՀՄՍ 9-ում: Առանձնացված ներկառուցված ածանցյալ գործիքները նույնպես դասակարգվում են որպես վաճառքի համար պահվող, եթե դրանք նախատեսված չեն որպես արդյունավետ հեջավորման գործիքներ: Վաճառքի համար պահվող ֆինանսական պարտավորությունների օգուտներն ու կորուստները ճանաչվում են շահույթի կամ վնասի և այլ համապարփակ ֆինանսական արդյունքների մասին հաշվետվությունում:

3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Ֆինանսական պարտավորություններ (շարունակություն)

Վարկեր և փոխառություններ, թողարկված պարտատոմսեր ու առևտրային և այլ կրեդիտորական պարտքեր

Սկզբնական ճանաչումից հետո, տոկոսակիր վարկերն ու փոխառություններն ու առևտրային և այլ կրեդիտորական պարտքերը հետագայում չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Օգուտներն ու կորուստները ճանաչվում են շահույթի կամ վնասի և այլ համապարփակ ֆինանսական արդյունքների մասին հաշվետվությունում, երբ պարտավորությունները ապաճանաչվում են, ինչպես նաև արդյունավետ տոկոսադրույքի ամորտիզացիայի գործընթացի միջոցով:

Ամորտիզացված արժեքը հաշվարկվում է՝ հաշվի առնելով ձեռքբերման ժամանակ ցանկացած զեղչ կամ հավելավճար, ինչպես նաև արդյունավետ տոկոսադրույքի անբաժանելի մաս հանդիսացող վճարները կամ ծախսերը: Արդյունավետ տոկոսադրույքի ամորտիզացիան ներառվում է շահույթի կամ վնասի և այլ համապարփակ ֆինանսական արդյունքների մասին հաշվետվությունում: Այս դասը հիմնականում կիրառվում է տոկոսակիր վարկերի և փոխառությունների ու առևտրային և այլ կրեդիտորական պարտքերի դեպքում:

Ապաճանաչում

Ֆինանսական պարտավորությունը ապաճանաչվում է, երբ դրա հետ կապված պարտականությունը կատարվում է կամ չեղյալ է համարվում կամ ուժը կորցրած է ճանաչվում: Երբ գոյություն ունեցող ֆինանսական պարտավորությունը փոխարինվում է միևնույն փոխառով՝ էականորեն տարբեր

պայմաններով մեկ այլ պարտավորությամբ, կամ գոյություն ունեցող պարտավորության պայմանները էականորեն ձևափոխվում են, ապա այդպիսի փոխարինումը կամ ձևափոխումը դիտվում է որպես սկզբնական պարտավորության ապաճանաչում և նոր պարտավորության ճանաչում: Համապատասխան հաշվեկշռային արժեքների տարբերությունը ճանաչվում է շահույթի կամ վնասի և այլ համապարփակ ֆինանսական արդյունքների մեջ:

Ֆինանսական գործիքների հաշվանցումը

Ֆինանսական ակտիվներն ու ֆինանսական պարտավորությունները հաշվանցվում են, և զուտ գումարը ներկայացվում է ֆինանսական վիճակի մասին առանձին հաշվետվությունում, եթե առկա է ճանաչված գումարների հաշվանցման ներկայումս իրագործելի իրավաբանորեն ամրագրված իրավունք, ինպես նաև հաշվարկը զուտ հիմունքով իրականացնելու կամ միաժամանակ ակտիվներն իրացնելու և պարտավորությունները մարելու մտադրություն:

Հասույթ

Ընկերության հաճախորդների հետ պայմանագրերից հասույթը հիմնականում առաջանում է ծառայությունների մատուցումից արտադրված և գնված ապրանքների վաճառքից:

Որոշելու համար, թե արդյոք անհրաժեշտ է ճանաչել հասույթ, թե ոչ, Ընկերությունն առաջնորդվում է 5-րդ պայմանագրով:

- Բացահայտել հաճախորդի հետ պայմանագիրը
- Բացահայտել կատարման պարտականությունները
- Որոշել գործարքի գինը
- Բաշխել գործարքի գինը կատարման պարտականությունների միջև
- Ճանաչել հասույթը, երբ կատարման պարտականությունը(ները) բավարարված են

Հասույթը ճանաչվում է կամ ժամանակի մեջ որևէ պահին կամ ժամանակի ընթացքում, երբ Ընկերությունը բավարարում է կատարման իր պարտականությունը՝ հաճախորդին փոխանցելով խոստացված ապրանքը կամ ծառայությունը:

3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Հասույթ (շարունակություն)

Պաշարների վաճառքից հասույթ

Պաշարների վաճառքից հասույթը ճանաչվում է, երբ վերահսկումը փոխանցվում է գնորդին: Վերահսկումը հիմնականում փոխանցվում է, երբ պաշարները հանձնվում են հաճախորդին: Վերահսկողության փոխանցման պահը որոշելու համար չի պահանջվում բարդ դատողություններ: Երբ պաշարները առաքվում են գնորդի հետ համաձայնեցված վայր, ապա դրանից հետո Ընկերությունը այլևս չունի պաշարների նկատմամբ հսկողության իրավունք, սովորաբար ձեռք է բերում վճարման ստացման իրավունք և չի պահպանում պաշարների հետ կապված նշանակալի ռիսկեր կամ հատույցներ:

Ֆինանսական եկամուտ և ծախս

Ընկերության ֆինանսական եկամուտը և ֆինանսական ծախսը ընդգրկում են.

- ▶ Տոկոսային եկամուտ;
- ▶ Տոկոսային ծախս;

Տոկոսային եկամուտը կամ ծախսը ճանաչվում է՝ օգտագործելով արդյունավետ տոկոսադրույքի մեթոդը:

Շահութահարկ

Շահութահարկը բաղկացած է ընթացիկ և հետաձգված հարկերից: Ընթացիկ և հետաձգված հարկերը ճանաչվում են շահույթում կամ վնասում, բացառությամբ այն մասի, որը վերաբերում է ուղղակիորեն սեփական կապիտալում կամ այլ համապարփակ ֆինանսական արդյունքում ճանաչված տարրերին:

Ընթացիկ հարկը տվյալ ժամանակաշրջանի հարկվող շահույթի գծով վճարման/ (փոխհատուցման) ենթակա շահութահարկի գումարն է: Ընթացիկ հարկը ճանաչվում է որպես եկամուտ կամ ծախս և ներառվում է տվյալ ժամանակաշրջանի զուտ շահույթի կամ վնասի մեջ:

Ընկերության հետաձգված հարկերը (հետաձգված հարկային պարտավորությունները և հետաձգված հարկային ակտիվները) պայմանավորված են ժամանակավոր տարբերությունների (հարկվող և նվազեցվող ժամանակավոր տարբերություններ) և չօգտագործված հարկային կորուստի հետագա տարիներ փոխանցմամբ:

Ժամանակավոր տարբերությունների հետևանքով առաջացած հետաձգված հարկերը հաշվարկվում են հաշվեկշռային մեթոդով, հիմնվելով ֆինանսական հաշվետվությունների պատրաստման համար

օգտագործված ակտիվների և պարտավորությունների հաշվեկշռային արժեքների և հարկման նպատակներով օգտագործված գումարների (հարկային բազայի) միջև ժամանակավոր տարբերությունների վրա:

Հետաձգված հարկային ակտիվ ճանաչվում է բոլոր նվազեցվող ժամանակավոր տարբերությունների գծով այն չափով, որքանով հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը:

Պաշարներ

Պաշարները չափվում են կամ գնահատվում և արժևորվում են սկզբնական արժեքից և իրացման գույք արժեքից նվազագույնով: Իրացման գույք արժեքը ապրանքի հաշվարկված ապագա վաճառքի գինն է, որով Ընկերությունը ենթադրում է իրացնել այն, երբ ապրանքը լինի արտադրված և վաճառված՝ հանած արտադրությունը ավարտին հասցնելու և վաճառքի ծախսումները: Այն դեպքում, երբ դրամի ժամանակային արժեքը նշանակալի է, ապագա վաճառքի գները և ավարտին հասցնելու ծախսումներ գեղջվում են:

Նյութերը և այլ պաշարները չափվում են սկզբնական արժեքից և իրացման գույք արժեքից նվազագույնով: Նյութերի և այլ պաշարների սկզբնական արժեքը հաշվարկվում է «առաջինը մուտք, առաջինը ելք» սկզբունքով և ներառում է պաշարների ձեռքբերման ծախսերը, արտադրական կամ փոխարկման ծախսերը և դրանք ներկա գտնվելու վայր և վիճակի բերելու հետ կապված այլ ծախսերը:

3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Աշխատակիցների հատուցումներ

Աշխատակիցների կարճաժամկետ հատուցումների գծով պարտականությունները չափվում են առանց գեղջման և ծախսագրվում են համապատասխան ծառայությունը մատուցելուց հետո: Պարտավորությունը ճանաչվում է այն գումարի չափով, որն ակնկալվում է վճարել որպես կարճաժամկետ դրամական միջոցների տեսքով պարգևավճար, եթե Ընկերությունն ունի ներկա իրավական կամ կառուցողական պարտականություն այդ գումարը վճարելու որպես աշխատողի կողմից մատուցված անցյալ ծառայության արդյունք և կարող է արժանահավատորեն գնահատել պարտականությունը:

Արտարժույթային գործառնություններ

Արտարժույթով գործարքները սկզբնապես ճանաչվում են ֆունկցիոնալ արժույթով, փոխարկվում են կիրառելով գործարքի օրվա դրությամբ գործող փոխարժեքը: Հաշվետու ամսաթվի դրությամբ արտարժույթով արտահայտված դրամային ակտիվները և պարտավորությունները փոխարկվում են ֆունկցիոնալ արժույթի այդ օրվա դրությամբ սահմանված փոխարժեքով: Դրամային հոդվածների փոխարժեքային տարբերություններից օգուտը կամ վնասը իրենից ներկայացնում է հաշվետու տարվա սկզբի դրությամբ ֆունկցիոնալ արժույթով արտահայտված, արդյունավետ տոկոսադրույքով և ժամանակաշրջանի ընթացքում վճարումներով ճշգրտված ամորտիզացված արժեքի, և արտարժույթով արտահայտված ու հաշվետու ժամանակաշրջանի վերջին օրվա դրությամբ գործող փոխարժեքով փոխարկված ամորտիզացված արժեքի տարբերությունը:

Պատմական արժեքով չափվող արտարժույթով արտահայտված ոչ դրամային հոդվածները փոխարկվում են գործարքի օրվա դրությամբ սահմանված փոխարժեքով: Արտարժույթի փոխարկումից առաջացող տարբերությունները ճանաչվում են շահույթի կամ վնասի կազմում:

2024թ. դեկտեմբերի 31-ի դրությամբ ՀՀ կենտրոնական բանկի կողմից 1 ԱՄՆ դոլարի համար հայտարարված փոխարժեքը կազմում էր 396,56 ՀՀ դրամ (2023թ. ` 404. 79 ՀՀ դրամ), 1 եվրոյի համար` 413.89 ՀՀ դրամ (2023թ. ` 447.9 ՀՀ դրամ), 1 Ռուսական ռուբլու համար` 3.71 ՀՀ դրամ (2023թ. ` 4.5 ՀՀ դրամ):

4. Նոր և փոփոխված ստանդարտներ և մեկնաբանություններ

Ընթացիկ տարում Ընկերությունն ընդունել է իր գործունեության համար կիրառելի և 2024թ. հունվարի 1-ից սկսվող ժամանակաշրջանների համար ուժի մեջ մտած բոլոր նոր և վերանայված ստանդարտները և մեկնաբանությունները, որոնք հրապարակվել են Հաշվապահական հաշվառման միջազգային ստանդարտների խորհրդի (ՀՀՄՍԽ) և ՀՀՄՍԽ-ի Մեկնաբանման կոմիտեի (ՄԿ) կողմից:

Նշված փոփոխությունների բնույթը և ազդեցությունը բացահայտված են ստորև:

Ներքոհիշյալ նոր ստանդարտներն ու փոփոխությունները, որոնք առաջին անգամ կիրառվել են 2024թ. , որևէ էական ազդեցություն չեն ունեցել Ընկերության ֆինանսական հաշվետվությունների վրա:

- «Պարտավորությունների դասակարգումը որպես ընթացիկ կամ ոչ ընթացիկ» (ՀՀՄՍ 1 փոփոխություններ),
- «Կովենանտով ոչ ընթացիկ պարտավորություններ» (ՀՀՄՍ 1 փոփոխություններ)

Տվյալ փոփոխությունները ազդեցություն չեն ունեցել Ընկերության ֆինանսական հաշվետվությունների վրա:

5. Թողարկված, բայց դեռ ուժի մեջ չմտած ստանդարտներ

Այս ֆինանսական հաշվետվությունների հաստատման ամսաթվի դրությամբ Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից թողարկվել են որոշակի Նոր ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք սակայն դեռևս չեն գործում և Նախօրոք չեն ներդրվել Ընկերության կողմից:

Ղեկավարությունը կանխատեսում է, որ բոլոր կիրառելի հրապարակումները կներդրվեն Խմբի հաշվապահական հաշվառման քաղաքականությունում՝ սկսած հրապարակման ուժի մեջ մտնելու ամսաթվին հաջորդող առաջին իսկ ժամանակաշրջանից:

Ղեկավարության կանխատեսմամբ այս փոփոխություններն Եական ազդեցություն չեն ունենա Ընկերության ֆինանսական հաշվետվությունների վրա և ներկայացված են ստորև.

- «Փոխանակելիության բացակայություն» (ՀՀՄՍ 21 փոփոխություն)
- «Ֆինանսական գործիքների դասակարգման և չափման փոփոխություններ» (ՀՀՄՍ 9 և ՀՀՄՍ 7 փոփոխություններ)
- ՀՀՄՍ 18 «Ֆինանսական հաշվետվությունների ներկայացում և բացահայտում»

6. Նշանակալի հաշվապահական դատողություններ, գնահատումներ և ենթադրություններ

Գնահատումներ, ենթադրություններ և դատողություններ

Ֆինանսական հաշվետվությունների պատրաստումը պահանջում է Ընկերության ղեկավարությունից կիրառել դատողություններ, գնահատումներ և ենթադրություններ, որոնք ազդեցություն ունեն եկամուտների ու ծախսերի, ակտիվների, պարտավորությունների և կից բացահայտումների վրա, ինչպես նաև պայմանական պարտավորությունների բացահայտումների վրա առանձին ֆինանսական հաշվետվությունների ամսաթվի դրությամբ: Գնահատումները և ենթադրությունները շարունակաբար վերլուծվում են և հիմնված են ղեկավարության փորձի և այլ գործոնների վրա, ներառյալ ապագա իրադարձությունների սպասումները, որոնք կարող են տեղի ունենալ որոշակի հանգամանքների պարագայում: Այս գնահատումների և ենթադրությունների վերաբերյալ անորոշությունը կարող է հանգեցնել այնպիսի հետևանքների, որոնք կպահանջեն հետագայում ակտիվների ու պարտավորությունների հաշվեկշռային արժեքների Եական ճշգրտումներ: Առավել Եական ազդեցություն ունեցող գնահատումները և դատողությունները հետևյալն են.

Առևտրային դեբիտորական պարտքերի - ծնթ. 9

Ղեկավարությունը պարբերաբար վերանայում է իր ֆինանսական ակտիվների արժեզրկման հայտանիշները: Ղեկավարությունը անհրաժեշտության դեպքում կիրառում է իր մասնագիտական դատողությունները՝ գնահատելու համար ցանկացած արժեզրկումից կորուստների գումարը:

Ղեկավարությունը գնահատում է ապագա դրամական հոսքերում փոփոխությունները՝ հիմնվելով այն դիտարկելի տվյալների վրա, որոնք մատնանշում են գործընկերների վճարունակության մակարդակների բացասական փոփոխությունները, կամ ազգային կամ տեղական տնտեսական իրավիճակների փոփոխությունները, որոնք որևէ կերպ առնչվում են ակտիվների արժեզրկման հետ: Սեփական փորձից ելնելով՝ Ընկերությունը կիրառում է իր մասնագիտական դատողությունները ակտիվների վերաբերյալ դիտարկելի տեղեկատվության ճշգրտման համար՝ ընթացիկ իրավիճակը արտացոլելու նպատակով:

6. Նշանակալի հաշվապահական դատողություններ, գնահատումներ և ենթադրություններ (շարունակություն)

Գնահատումներ, ենթադրություններ և դատողություններ (շարունակություն)

Իրական արժեքի գնահատում - ծնթ. 20

Ակտիվների և պարտավորությունների իրական արժեքը որոշելու համար Ղեկավարությունը կիրառում է գնահատման մեթոդ որտեղ ակտիվ շուկայական գնանշումներ չկան: Սա ենթադրում է գնահատումների և ենթադրությունների մշակում, որոնք կհամապատասխանեն շուկայի մասնակիցների կողմից գործիքի գնահատմանը: Ղեկավարությունն իր ենթադրությունները հիմնավորում է հնարավորինս դիտելի տվյալներով, բայց դրանք միշտ չեն հասանելի: Այդ դեպքում ղեկավարությունն օգտագործում է առկա լավագույն տեղեկատվությունը: Գնահատված իրական արժեքները կարող են տարբեր լինել փաստացի գներից, որոնք կգործեն հաշվետու ամսաթվի դրությամբ:

Ընկերությունը իրական արժեքով չափվող ակտիվները և պարտավորությունները դասակարգում է 1-ից մինչև 3-րդ մակարդակներում՝ հիմնվելով իրական արժեքի դիտարկելիության աստիճանի վրա: Այս երեք մակարդակները ներկայացված են ստորև.

- 1-ին մակարդակ՝ իրական արժեքները ստացվում են նմանատիպ ակտիվների կամ պարտավորությունների ակտիվ շուկաներում գնանշվող գներից (չճշգրտված),
- 2-րդ մակարդակ՝ իրական արժեքները ստացվում են 1-ին մակարդակում ներառված գնանշվող գներից տարբեր այլ ելակետային տվյալներից, որոնք ակտիվի կամ պարտավորության գծով դիտարկվում են կամ ուղղակիորեն (այսինքն՝ որպես գներ), կամ անուղղակիորեն (այսինքն՝ գների հիման վրա ստացվող),
- 3-րդ մակարդակ՝ իրական արժեքները ստացվում են գնահատման հնարքների միջոցով, որոնք ներառում են ակտիվի կամ պարտավորության գծով ելակետային տվյալներ, որոնք հիմնված չեն դիտարկվող շուկայական տվյալների վրա (ոչ դիտարկելի ելակետային տվյալներ):

(հազար ՀՀ դրամ)

7. Հիմնական միջոցներ

Հիմնական միջոցների հաշվեկշռային արժեքի փոփոխությունները ներկայացված են ստորև.

<i>Սկզբնական արժեք</i>	<i>Հոդամասեր</i>	<i>Շենքեր և Շինություններ</i>	<i>Մեքենաներ և սարքավորու մներ</i>	<i>Տրանսպորտ ային միջոցներ</i>	<i>Այլ Հիմնական միջոցներ</i>	<i>Ընդամենը</i>
Առ 1 հունվարի 2024թ.	100,800	438,714	2,812,937	535,514	71,265	3,959,230
Ավելացումներ	-	-	50,938	7,916	2,005	60,859
Առ 31 դեկտեմբերի 2024թ.	100,800	438,714	2,863,875	543,430	73,270	4,020,089
Կուտակված մաշվածություն						
Առ 1-ը հունվարի 2024թ.	-	(154,609)	(907,025)	(177,626)	(35,074)	(1,274,334)
Ավելացումներ	-	(7,254)	(235,741)	(50,854)	(6,432)	(300,281)
Առ 31-ը դեկտեմբերի 2024թ.	-	(161,863)	(1,142,766)	(228,480)	(41,506)	(1,574,615)
Հաշվեկշռային արժեք առ 1 հունվարի 2024թ.	100,800	284,105	1,905,912	357,888	36,191	2,684,896
Հաշվեկշռային արժեք առ 31 դեկտեմբեր 2024թ.	100,800	276,851	1,721,109	314,950	31,764	2,445,474

<i>Սկզբնական արժեք</i>	<i>Հոդամասեր</i>	<i>Շենքեր և Շինություններ</i>	<i>Մեքենաներ և սարքավորու մներ</i>	<i>Տրանսպորտ ային միջոցներ</i>	<i>Այլ Հիմնական միջոցներ</i>	<i>Ընդամենը</i>
Առ 1 հունվարի 2023թ.	121,408	487,179	2,810,117	550,215	75,500	2,077,721
Ավելացումներ	-	-	8,961	709	1,232	207,317
Օտարում և նվազեցում	(20,608)	(48,465)	(6,141)	(15,410)	(5,467)	-
Առ 31 դեկտեմբերի 2023թ.	100,800	438,714	2,812,937	535,514	71,265	2,285,038
Կուտակված մաշվածություն						
Առ 1-ը հունվարի 2023թ.	-	(154,455)	(674,059)	(140,953)	(31,619)	(1,001,086)
Ավելացումներ	-	(7,852)	(236,095)	(51,023)	(7,781)	(302,751)
Օտարում և նվազեցում		7,698	3,129	14,350	4,326	29,503
Առ 31-ը դեկտեմբերի 2023թ.	-	(154,609)	(907,025)	(177,626)	(35,074)	(1,274,334)
Հաշվեկշռային արժեք առ 1 հունվարի 2023թ.	121,408	332,724	2,136,058	409,262	43,881	3,043,333
Հաշվեկշռային արժեք առ 31 դեկտեմբեր 2023թ.	100,800	284,105	1,905,912	357,888	36,191	2,684,896

(հազար ՀՀ դրամ)

8. Պաշարներ

	2024թ.	2023թ.
Շինակյութեր	188,992	276,339
Պահեստամասեր	218,962	228,801
Այլ	47,409	79,421
Ընդամենը	455,363	584,561

9. Առևտրային և այլ դեբիտորական պարտքեր

	2024թ.	2023թ.
Առևտրային և այլ դեբիտորական պարտքեր Նվազեցված՝ արժեզրկման կորստի գծով պահուստի չափով	266,328	486,246
Ընդամենը ֆինանսական ակտիվներ առևտրային և այլ դեբիտորական պարտքերի կազմում	266,328	486,246
Տրված կանխավճարներ ընթացիկ ակտիվների համար	24,645	34,321
Պետական բյուջեից դեբիտորական պարտքեր	4,529	5
Ընդամենը առևտրային և այլ դեբիտորական պարտքեր	295,502	520,572

Առևտրային դեբիտորական պարտքերը վերաբերում են ծառայությունների մատուցումից
դեբիտորական պարտքերին:

Բոլոր գումարները կարճաժամկետ են: Առևտրային դեբիտորական պարտքերի զուտ հաշվեկշռային
արժեքը համարվում է իրական արժեքի խելամիտ գնահատում:

10. Դրամական միջոցներ և դրանց համարժեքներ

	Արժույթ	2024թ.	2023թ.
Ցպահանջ մնացորդներ բանկում	ՀՀ դրամ	186,293	27,426
Ցպահանջ մնացորդներ բանկում	ՌԴ ռուբլի	12	11,562
Ցպահանջ մնացորդներ բանկում	ԱՄՆ դոլար	12	12
Ընդամենը		186,317	39,000

2024թ. դեկտեմբերի 31-ի դրությամբ Ընկերության դրամական միջոցները տեղաբաշխված են ՀՀ
վստահելի առևտրային բանկերում: Դրամական միջոցների և դրանց համարժեքների բոլոր
մնացորդները դասակարգված են Փուլ 1-ում:

11. Վարկեր և փոխառություններ

	2024թ.	2023թ.
Ոչ ընթացիկ պարտավորություններ		
Գրավով չապահովված փոխառություններ այլ կազմակերպություններից	101,083	-
	101,083	-
Ընթացիկ պարտավորություններ		
Գրավով ապահովված բանկային վարկեր	224,025	-
Գրավով չապահովված փոխառություններ այլ կազմակերպություններից	4,200	-
Ընդամենը	329,308	-

Գրավով չապահովված բանկային վարկը իրենցից ներկայացնում է Ֆակտորինգի տրամադրման
համաձայնագիր որը ամբողջությամբ մարվել է 2025 թվականի ընթացքում: Ընկերության տոկոսային և
արտարժույթային ռիսկերի մասին ավելի մանրամասն տեղեկատվություն ներկայացված է Ծան. 20-ում:

(հազար ՀՀ դրամ)

12. Առևտրային և այլ կրեդիտորական պարտքեր

	2024թ.	2023թ.
Ստացված կանխավճարներ	105,807	883,875
Առևտրային կրեդիտորական պարտքեր	304,882	317,661
Վճարվելիք հարկեր և պարտավորություններ	125,026	189,003
Փոխհատուցումներ աշխատակիցներին	44,314	-
Շահաբաժնի գծով պատրավորություն	35,526	-
Ընդամենը առևտրային և այլ կրեդիտորական պարտքեր	615,555	1,390,539

Ամորտիզացված արժեքով դասակարգված առևտրային և այլ կրեդիտորական պարտքերի իրական արժեքը էականորեն չի տարբերվում հաշվեկշռային արժեքից: Ընկերության ենթարկվածությունը շուկայական և իրացվելիության ռիսկերին ներկայացված են Ծան. 20-ում:

13. Հասույթ

	2024թ.	2023թ.
Աշխատանքների կատարումից հասույթ	3,334,840	2,355,970
Արտադրանքի վաճառքից հասույթ	122,973	349,564
Ապրանքների վաճառքից հասույթ	2,312	6,311
Ընդամենը	3,460,125	2,711,845

Ընկերության հասույթն ըստ ճանաչման ժամկետայնության ներկայացված է ստորև.

	2024թ.	2023թ.
Ժամանակի մեջ ինչ որ պահին փոխանցվող ապրանքներ	3,334,840	2,355,970
Ժամանակի ընթացքում փոխանցվող ծառայություններ	125,285	355,875
Ընդամենը	3,460,125	2,711,845

14. Վաճառքի ինքնարժեք

	2024թ.	2023թ.
Նյութական ծախսեր	1,362,570	1,232,092
Հատուցումներ աշխատակիցներին	610,620	518,037
Ստացված ծառայություններ	294,347	288,880
Մաշվածություն	187,270	298,801
Այլ	17,584	4,528
Ընդամենը	2,472,391	2,342,338

(հազար ՀՀ դրամ)

15. Վարչական ծախսեր

	2024թ.	2023թ.
Հատուցումներ աշխատակիցներին	131,920	92,856
Բանկային ծախսեր	71,702	37,585
Մաշվածության և նորոգման գծով ծախսեր	11,024	7,528
Առևտրական և խորհրդատվական ծախսեր	4,583	30
Փոստի և հեռահաղորդակցության ծախսեր	1,995	1,942
Վարչական այլ ծախսեր	16,346	7,619
Ընդամենը վարչական ծախսեր	237,570	147,560

16. Այլ գործառնական ծախսեր

	2024թ.	2023թ.
Մաշվածության գծով ծախս	108,187	-
ՀՄ լուծարման գծով ծախսեր	-	62,200
ՀՄ օտարումից ծախսեր	-	30,006
Այլ	5,355	4,581
Ընդամենը այլ գործառնական ծախսեր	113,542	96,787

17. Շահութահարկ

Հաշվետու տարվա համար ՀՀ Հարկային օրենսգրքով շահութահարկի դրույքաչափը սահմանված է 18% (2023թ.-18%):

Շահույթում կամ վնասում ճանաչված գումարներ

Շահութահարկի գծով ծախսի հիմնական բաղադրիչներն են՝

	2024թ.	2023թ.
Ընթացիկ շահութահարկի գծով ծախս	105,548	73,074
Հետաձգված հարկերի գծով ժամանակավոր տարբերությունների առաջացում և վերականգնում	(5,786)	(28,510)
Շահութահարկի գծով ծախս	99,762	44,564

Շահութահարկի արդյունավետ տոկոսադրույքի համադրում

	2024թ.		2023թ.	
	հազ. դրամ	%	հազ. դրամ	%
Շահույթ/(վնաս) մինչև հարկումը	614,214		136,328	
Շահութահարկ սահմանված դրույքաչափով	110,559	18	24,539	18
Այլ չնվազեցվող ծախսերի/(չհարկվող եկամուտների) հարկային հետևանքը, գուտ	(10,797)	(2)	20,025	15
Չճանաչված հետաձգված հարկային ակտիվների փոփոխություն	-	0	-	0
Շահութահարկի գծով ծախսը և արդյունավետ տոկոսադրույքը	99,762	16	44,564	33

17. Շահույթահարկ (շարունակություն)

Հետաձգված հարկային ակտիվներ/(պարտավորություններ)

Հետաձգված հարկային ակտիվները և պարտավորությունները դեկտեմբերի 31-ի դրությամբ և դրանց ժամանակավոր տարբերությունների շարժը տարվա ընթացքում որպես ակտիվ/(պարտավորություն) ներկայացված է ստորև.

	2024թ. հունվարի 1-ի դրությամբ	(Հաշվեգրված)/ նվազեցված շահույթի կամ վնասի հաշվին	2024թ. դեկտեմբերի 31-ի դրությամբ
Հիմնական միջոցներ	(25,401)	3,650	(21,751)
Պաշարներ	-	6,194	6,194
Կրեդիտորական պարտքեր			
աշխատակիցներին	-	825	825
Երկարաժամկետ առևտրային և այլ կրեդիտորական պարտքեր		(1,478)	(1,478)
Վարկեր և փոխառություններ		(3,405)	(3,405)
Չուտ արդյունք-հետաձգված հարկային ակտիվներ/(պարտավորություն ներ)	(25,401)	5,786	(19,615)

	2023թ. հունվարի 1-ի դրությամբ	(Հաշվեգրված)/ նվազեցված շահույթի կամ վնասի հաշվին	2023թ. դեկտեմբերի 31-ի դրությամբ
Հիմնական միջոցներ	(53,911)	28,510	(25,401)
Չուտ արդյունք-հետաձգված հարկային ակտիվներ/(պարտավորություն ներ)	(53,911)	28,510	(25,401)

18. Պարտավորվածություններ, պայմանական պարտավորություններ

Ընկերության գործառնական միջավայրը

Հայաստանի Հանրապետությունը շարունակում է տնտեսական բարեփոխումները և իրավական, հարկային ու օրենսդրական համակարգերի զարգացումը՝ շուկայական տնտեսության պահանջներին համապատասխան:

Հայաստանի տնտեսության ապագա կայունությունը առավելապես կախված է այս բարեփոխումներից և զարգացումներից, ինչպես նաև կառավարության կողմից իրականացվող տնտեսական, ֆինանսական և դրամավարկային քաղաքականությունների արդյունավետությունից:

Ներկայումս Ղեկավարությունը հետևում է միկրո և մակրոտնտեսական պայմանների փոփոխության հնարավոր ազդեցությանը Ընկերության ֆինանսական վիճակի և գործունեության վրա:

19. Գործարքներ կապակցված կողմերի հետ

Ընկերության բաժնետերերի մասին տեղեկատվությունը բացահայտված է Ծանոթագրություն 1-ում: Ղեկավարությունը գտնում է, որ Ընկերությունը տիրապետում է կապակցված կողմերի հետ գործարքների որոշման և պատշաճ կերպով բացահայտման համապատասխան գործընթացների:

Ընկերությունը կապակցված կողմերի հետ կատարում է այնպիսի գործարքներ, որոնք համարժեք են անկախ կողմերի հետ գործարքներին:

(հազար ՀՀ դրամ)

19. Գործարքներ կապակցված կողմերի հետ (շարունակություն)**Գործարքներ առանցքային ղեկավար անձնակազմի հետ**

Ստորև ներկայացված են առանցքային ղեկավար անձնակազմի հետ գործարքների ընդհանուր գումարները և մնացորդները.

	Գործարքի գումարը դեկտեմբեր 31-ի ավատված տարվա համար		Մնացորդը առ 31 դեկտեմբերի	
	2024թ.	2023թ.	2024թ.	2023թ.
Աշխատավարձ և պարգևավճարներ	34,132	14,360	-	-
	34,132	14,360	-	-

Գործարքներ մայր կազմակերպության հետ

Ստորև ներկայացված են բաժնետիրոջ հետ գործարքների ընդհանուր գումարները և մնացորդները.

	Գործարքի գումարը դեկտեմբեր 31-ի ավարտված տարվա համար		Մնացորդը առ 31 դեկտեմբերի	
	2024թ.	2023թ.	2024թ.	2023թ.
Ստացված փոխառություններ	(172,839)	(197,699)	(124,200)	-
Ստացված փոխառության մարում	(48,638)	(515,573)		-
Տրամադրված փոխառություններ	-	59,227		59,227
Տրամադրված փոխառության մարում	59,227			
Վճարված շահաբաժիններ փոխմարում այլ տրված փոխառությունների հետ	(579,474)	-	(35,526)	-

20. Իրական արժեք և ռիսկերի կառավարում**Իրական արժեքի չափման գործընթացներ**

Հաշվեկշռային և իրական արժեքի համադրություն

Իրական արժեքի չափման գործընթացներ

Իրական արժեքի վերաբերյալ տեղեկատվության բացահայտման նպատակով Ընկերությունն առանձնացրել է ակտիվների և պարտավորությունների դասեր՝ հիմնվելով ակտիվների և պարտավորությունների բնույթի, առանձնահատկությունների և ռիսկերի, ինչպես նաև իրական արժեքի հիերարխիայի վրա:

Իրական արժեքների գնահատման համար օգտագործվել են հետևյալ մեթոդներն ու ենթադրությունները.

- Ընկերությունը գնահատել է, որ դրամական միջոցների և դրանց համարժեքների, ցպահանջ տրամադրված և ստացված փոխառությունների, առևտրային դեբիտորական պարտքերի, կարճաժամկետ վարկերի և առևտրային կրեդիտորական պարտքերի, իրական արժեքները հավասար են դրանց հաշվեկշռային արժեքներին այդ գործիքների կարճաժամկետ մարման ժամկետ ունենալու պատճառով: Այդ ֆինանսական ակտիվների և ֆինանսական պարտավորությունների գնահատված իրական արժեքները դասակարգվում են իրական արժեքի հիերարխիայի 3-րդ մակարդակում:

(հազար ՀՀ դրամ)

20. Իրական արժեք և Ռիսկերի կառավարում (շարունակություն)**Իրական արժեքի չափման գործընթացներ (շարունակություն)**

- Ընկերության փոխառությունների և վարկերի իրական արժեքները որոշվում են՝ գեղջելով համապատասխան դրամական միջոցների հոսքերը՝ օգտագործելով նմանատիպ գործիքների համար շուկայական տոկոսադրույքը: Այս դեպքում ամենագալի փոփոխականը գեղջման տոկոսադրույքն է: Այդ ֆինանսական ակտիվների և ֆինանսական պարտավորությունների գնահատված իրական արժեքները դասակարգվում են իրական արժեքի հիերարխիայի 3-րդ մակարդակում: Այս ֆինանսական պարտավորությունների իրական արժեքները գրեթե հավասար են դրանց հաշվեկշռային արժեքներին:

Ռիսկերի կառավարում

Ֆինանսական գործիքներն օգտագործելիս Ընկերությունը ենթարկվում է հետևյալ ռիսկերին.

- Պարտքային ռիսկ,
- Իրացվելիության ռիսկ,
- Շուկայական ռիսկ,

Ընկերության ղեկավարությունը իրականացնում է վերահսկողություն այդ ռիսկերից յուրաքանչյուրի գծով, որն ամփոփված է ստորև:

Պարտքային ռիսկ

Պարտքային ռիսկը ֆինանսական վնաս կրելու ռիսկն է, երբ պատվիրատուն կամ ֆինանսական գործիքի պայմանագրային կողմն ի վիճակի չի լինում կատարել իր պայմանագրային պարտավորությունները Ընկերության նկատմամբ, և այն առաջանում է հիմնականում պատվիրատուներից ստացման ենթակա ղեքիտորական պարտքերից: Ընկերությունը չի պահանջում գրավ ֆինանսական ակտիվների գծով: Պարտավորությունների կատարման գծով ռիսկերի գնահատումներ իրականացվում են որոշակի սահմանները գերազանցող գումարներ պահանջող պայմանագրային կողմերի համար, բացառությամբ կապակցված կողմերի:

Ֆինանսական ակտիվների հաշվեկշռային արժեքը ներկայացնում է պարտքային ռիսկին ենթարկվածության առավելագույն չափը: Ստորև ներկայացված է հաշվետու ամսաթվի դրությամբ պարտքային ռիսկին ենթարկվածության առավելագույն չափը.

	2024թ.	2023թ.
Տրամադրված վարկեր և փոխառություններ		
Տրամադրված փոխառություններ	-	59,227
Առևտրային և այլ ղեքիտորական պարտքեր (Ծան. 9)		
Ղեքիտորական պարտքեր, զուտ	266,328	486,246
Դրամական միջոցներ և դրանց համարժեքներ (Ծան. 10)		
Ցպահանջ մնացորդներ բանկում	186,317	39,000
Պարտքային ռիսկի ընդհանուր առավելագույն ազդեցությունը	452,645	584,473

Առևտրային և այլ ղեքիտորական պարտքեր

Պարտքային ռիսկին Ընկերության ենթարկվածությունը հիմնականում կախված է յուրաքանչյուր պատվիրատուի առանձնահատկություններից: Այնուամենայնիվ, ղեկավարությունը դիտարկում է նաև պատվիրատուների բազայի կառուցվածքը, ներառյալ այդ պատվիրատուների արդյունաբերության ճյուղերի ու երկրների դեֆոլտի ռիսկը, քանի որ այս գործոնները կարող են ազդեցություն ունենալ պարտքային ռիսկի վրա, հատկապես ներկայիս տնտեսական պայմաններում:

20. Իրական արժեք և Ռիսկերի կառավարում (շարունակություն)

Ռիսկերի կառավարում (շարունակություն)

Ընկերությունը չի ենթարկվում վարկային ռիսկի կոնցենտրացիաների: 2024թ. դեկտեմբերի 31-ին ընկերությունն ուներ 3 գործընկեր (2023թ. դեկտեմբերի 31-ին 1 գործընկեր)՝ 10,000 հազ. ՀՀ դրամից բարձր դեբիտորական պարտքերի համախմբված մնացորդներով: Այս մնացորդների ընդհանուր գումարը կազմում էր 249,926 հազար ՀՀ դրամ (2023թ. դեկտեմբերի 31-ին՝ 474,617 հազար ՀՀ դրամ) կամ առևտրի և այլ ֆինանսական դեբիտորական պարտքերի 94%-ը (2022թ. դեկտեմբերի 31-ին՝ 97%):

Ստորև ներկայացված է հաշվետու ամսաթվի դրությամբ առևտրային և այլ դեբիտորական պարտքերի գծով պարտքային ռիսկին առավելագույն ենթարկվածությունը՝ ըստ աշխարհագրական տարածաշրջանների.

հազ. Դրամ	31 դեկտեմբերի 2023թ.	31 դեկտեմբերի 2022թ.
Տեղական	266,328	486,246
	266,328	486,246

Ընկերության դրամական միջոցները և դրանց համարժեքները պահվում են 2 բանկերում (2023թ. դեկտեմբերի 31-ին՝ 2 բանկերում), այդպիսով Ընկերությանը վարկային ռիսկի համակենտրոնացման ենթարկելով:

Իրացվելիության ռիսկ

Իրացվելիության ռիսկն այն ռիսկն է, որ կազմակերպությունը կարող է ունենալ դժվարություններ իր ֆինանսական պարտավորությունների կատարման ժամանակ: Իրացվելիության ռիսկը կառավարվում է ղեկավարության կողմից ամենօրյա հիմունքով:

Որպես կանոն, Ընկերությունը ապահովում է ցպահանջ դրամական միջոցների այնպիսի չափի առկայություն, որը բավարար կլինի ակնկալվող գործառնական ծախսերը 60 օրվա ընթացքում ծածկելու համար՝ ներառյալ ֆինանսական պարտականությունների սպասարկման ծախսերը: Այս պարագայում հաշվի չի առնվում առանձնահատուկ հանգամանքների հնարավոր ազդեցությունը, որոնք հնարավոր չէ կանխատեսել, օրինակ՝ բնական աղետները:

Ստորև ներկայացված է ֆինանսական պարտավորությունների ժամկետայնության վերլուծությունը 2024թ. դեկտեմբերի 31-ի և 2023թ. դեկտեմբերի 31-ի դրությամբ: Ներկայացված են համախառն և չգեղջված գումարները, որոնք ներառում են հաշվարկված տոկոսների վճարումները:

20. Իրական արժեք և Ռիսկերի կառավարում (շարունակություն)

Ռիսկերի կառավարում (շարունակություն)

	Ցպահանջ և մինչև 1 ամիս	1-6 ամիս	6-12 ամիս	Ավելի քան 1 տարի	Ընդամենը
2024թ. դեկտեմբերի 31-ի դրությամբ					
Ֆինանսական պարտավորությունն եր					
Առևտրային և կրեդիտորական պարտքեր (Ծան. 12)	152,151	322,071	141,333		615,555
Երկարաժամկետ առևտրային և կրեդիտորական պարտքեր				46,410	46,410
Ստացված վարկեր և փոխառություններ (Ծան. 11)	-	224,025	4,200	101,083	329,308
Ընդամենը ապագա վճարներ, ներառյալ ապագա մայր գումարի և տոկոսագումարների ի վճարներ	152,151	546,096	145,533	147,493	991,273
2023թ. դեկտեմբերի 31-ի դրությամբ					
Ֆինանսական պարտավորությունն եր					
Առևտրային և կրեդիտորական պարտքեր (Ծան. 12)	506,664	-	883,875	-	1,390,539
Ընդամենը ապագա վճարներ, ներառյալ ապագա մայր գումարի և տոկոսագումարների վճարներ	506,664	-	883,875	-	1,390,539

Շուկայական ռիսկ

Շուկայական ռիսկը ֆինանսական գործիքների ապագա դրամական հոսքերի իրական արժեքի փոփոխության ռիսկն է շուկայական գների փոփոխության արդյունքում: Շուկայական ռիսկը բաղկացած է երկու տեսակի ռիսկերից՝ ա) տոկոսադրույքի և բ) արտարժույթի փոխարժեքի ռիսկերից: Շուկայական ռիսկի ներգործությանը ենթարկված ֆինանսական գործիքները ներառում են վարկերը և փոխառությունները, դրամական միջոցները և դրանց համարժեքները, տրամադրված փոխառությունները, առևտրային դեբիտորական և կրեդիտորական պարտքերը:

(հազար ՀՀ դրամ)

20. Իրական արժեք և Ռիսկերի կառավարում (շարունակություն)**Ռիսկերի կառավարում (շարունակություն)***ա) տոկոսադրույքի ռիսկ*

Տոկոսադրույքի ռիսկը ֆինանսական գործիքի ապագա դրամական հոսքերի իրական արժեքի տատանումների ռիսկն է շուկայական տոկոսադրույքի փոփոխության հետևանքով:

Ընկերությունը չունի պաշտոնական քաղաքականություն և ընթացակարգեր տոկոսադրույքների ռիսկերի կառավարման համար, քանի որ ընկերությունը չունի լողացող տոկոսադրույքներով փոխառու միջոցներ ղեկավարությունը այդ ռիսկը համարում է աննշան Ընկերության բիզնեսի համար:

բ) արտարժույթային ռիսկ

Արտարժույթային ռիսկը ֆինանսական գործիքի ապագա դրամական հոսքերի իրական արժեքի տատանումների ռիսկն է արտարժույթների փոխարժեքի փոփոխության հետևանքով:

Ընկերությունը ենթակա է արտարժույթային ռիսկի՝ ֆունկցիոնալ արժույթի և վաճառքների, գնումների և փոխառությունների արժույթների անհամապատասխանության հետևանքով: Վերոհիշյալ գործարքները հիմնականում արտահայտված են ԱՄՆ դոլարով:

Արժույթային ռիսկի գծով ղեկավարությունը սահմանում է սահմանաչափեր ռիսկերի նկատմամբ խոցելիության մակարդակի համար՝ ըստ արժույթի և ընդհանուր առմամբ: Դիրքերը վերահսկվում են ամսական հիմունքով: Ստորև ներկայացված աղյուսակում ամփոփված է արտարժույթի փոխարժեքի ռիսկի ազդեցությունը Ընկերության վրա հաշվետու ժամանակաշրջանի վերջում:

առ 31 դեկտեմբերի 2024թ.			
հազ. դրամ	Դրամական Ֆինանսական ակտիվներ	Դրամական Ֆինանսական պարտավորություններ	Չուտ հաշվեկշռային դիրք
ԱՄՆ դոլար	12	-	12
Եվրո	150,311	(98)	150,213
առ 31 դեկտեմբերի 2023թ.			
հազ. դրամ	Դրամական Ֆինանսական ակտիվներ	Դրամական Ֆինանսական պարտավորություններ	Չուտ հաշվեկշռային դիրք
ԱՄՆ դոլար	12	-	12
Եվրո	441,346	(576,882)	(135,536)

Վերը ներկայացված վերլուծությունը ներառում է միայն դրամական ակտիվները և պարտավորությունները: Ոչ դրամական ակտիվները չեն դիտարկվում որպես որևէ նյութական արժույթային ռիսկ առաջացնող:

Հետևյալ աղյուսակը ներկայացնում է շահույթի և վնասի զգայունությունը հաշվետու ժամանակաշրջանի վերջի դրությամբ կիրառվող փոխարժեքի հնարավոր փոփոխությունների նկատմամբ՝ Ընկերության ֆունկցիոնալ արժույթի հետ հարաբերակցությամբ, բոլոր այլ փոփոխականները հաստատուն պահելով:

(հազար ՀՀ դրամ)

20. Իրական արժեք և Ռիսկերի կառավարում (շարունակություն)**Ռիսկերի կառավարում (շարունակություն)**

Արտարժույթի փոխարժեքի աճ/ (նվազում)	2024թ.-ի դեկտեմբերի 31-ին ավարտվող տարվա նախքան հարկումը շահույթի վրա ազդեցություն աճ/(նվազում) հազ. դրամ	2023թ.-ի դեկտեմբերի 31-ին ավարտվող տարվա նախքան հարկումը շահույթի վրա ազդեցություն աճ/(նվազում) հազ. դրամ
Եվրոյի արժևորում 5%-ով (2023թ. արժևորում 5%-ով)	7,510	(6,776)
Եվրոյի անկում 5%-ով (2023թ. անկում 5%-ով)	(7,510)	6,776

21. Հաշվետու ժամանակաշրջանից հետո տեղի ունեցող դեպքեր

2025թ. մարտի 10-ին Ընկերությունը հայտարարագրել է շահաբաժիններ՝ Ընկերության միակ բաժնետիրոջը 400,000 հազ. ՀՀ դրամի չափով, որոնք ենթակա են մարման շահաբաժինների հայտարարագրումից հետո մեկ տարվա ընթացքում: Մինչև 2025թ. օգոստոսի 15-ը Ընկերության կողմից մարվել են 165,947 հազ. ՀՀ դրամի չափով պարտավորություններ հայտարարված շահաբաժիններից: